



Здружение за еманципација,
солидарност и еднаквост
на жените - ECE

ZURALDIN E KHEDINAKIRI



PLANO/STRATEGIA BAŠI PRILEP (TRIZLA)

Proekto:

Anglikeribe o proceso taro saskjaribe thaj vaktikani reakcia e romane khedinake ano krizakere halia prekal lejbe than thaj proaktivnikane keriba

maj - septembro 2021 berš



ESE - Asociacia baši emancipacia, solidariteti thaj jekhajekhikanipa e romjengoro



Stanica P.E.T - Asociacia baši nijamengjiri edukacia thaj sajijalipa

PROEKTO

Anglikeribe o proceso taro saskjaribe thaj vaktikani reakcia e romane khedinake ano krizakere halia prekal lejbe than thaj proaktivnikane keriba

MAJ - SEPTEMBRO 2021 BERŠ

SAIKERIN

Harnjaribe	4
Komuna Prilep (faktoja thaj bukja olake)	5
Portreto e khedinakoro	5
Modelo thaj bukja olake tari zuraldin ani khedin	8
Plano/strategia baši zuraldin ani khedin	9
Resarin e planoskiri/strategiakiri	10
Strategiakere resarina	10
Phandlinalibe e khedinakoro	11
Haletia baši zuraldin e khedinakiri	12
Strategiakere prioriteta thaj aktivitetia e khedinakiri ano ano Prilep (Trizla)	15
Mapa	18
Timi baši zuraldin ani khedin (TZK)	19

HARNJARIBE

kriza anljardi tari pandemia e Kovid-19 sikagja so e krizna halia isi olen ververano asaripa maškar o avera khedina thaj grupe katar o dživdutnipe. E rodlaripa thaj o persipe tari buti e dizutnengjere organizacie, sikagje so i pandemia isi ola naanjardo bareder bilačo asaripe upral e marginalizirime romane khedina, sar aver taro butedereskoro dživdutnipe ani Republika Utarali Makedonia. O bilačo asaripe sikavel pes upral buteder aspektoja taro dživdipa e romane dživdutnengoro, širdindor taro šajdipa bašo arakhiba tari pandemia, preka o šajdipa baši sikljojba e čhavengoro, dži horederipa e čorolipaskoro taro o dživdutne tari akaja khedin.

Te leljam te dikha akava hali, i Asociacia baši emancipacia, solidariteti thaj jekhajekhikanipa e romjengoro – ESE kergja iniciativa te zoraljovel i zuraldin ano romane khedina baši te oven haz'ri thaj džanle te den džovapi thaj te aven upro peste keda bi aven krize thaj avralničale halia. Akaja buti kerel pes resarinaja te tiknaren pes e bilače asaripa taro avutne krizna thaj avralničale halia upral i romani khedin. I Asociacia ESE akaja inicijativa kerel ola e romane dizutne organizaciencar Romano Čačipe, IRIZ, LIL thaj Stanica PET.

O lokalnikano plano baši zuraldin e khedinakiri si kerdo trujal proceso tari barabarutni kolaboracia tari Asociacia ESE, o romane dizutnengjere organizacie, i romani khedin thaj e avera riga katar lokalnikano nivelo. Ko proceso tari kolaboracia sas fundirime Konsiloja ani khedin, kolende so si džene taro sa o upreder vakerde riga. E lokalnikane planoja sas kerde upral i funda taro podatkoja save sas lende tari romani khedin, prekal o kerdo rodlaripa, prekal o vakeriba taro džene e Konsiloskere ani khedin, sae thaj o dendo džipheribe tari khedin ano proceso e keribaskoro taro plano. O lokalnikano plano si legarutno baši zojrarkeribe e khedinakoro sar džovapi ano krizna halia thaj bibahta, resarinaja te tiknaren pes e bilače efektoja upral i romani khedin taro avutne krizna halia thaj bibahta. E Konsiloja ani khedin si o fundavno kapitali ani khedin savo so ko avutnipa ka lundjarel te kerel buti ko zojrarkeriba e khedinakoro baši dendo džovapi thaj avipe upro peste ano krizna thaj avralničale krizna halia, legarindor pes prekal e dromina dende ano lokalnikano plano.

Ano lokalnikano plano si arakhle e akanutne kapacitetoja ani khedin thaj ki komuna so šaj te džipheren ano džovapi thaj o keriba ano krize thaj krizna halia. Thaj e planoja si sikavde o daramkeripa thaj o rizikoja so isi len bilačo asaripa upral o šajdipa e khedinakere te del džovapi ko krizna halia thaj bibahta. Te leljam e arakhle halia, kapacitetoja thaj e daramkeripa thaj rizikoja, o Lokalnikano plano dikhel te resel trin strategiakerere resarina: 1. Tamirkeriba e kapacitetoja tari khedin, 2. Barjaribe i relacia e khedinaja thaj 3. Keriba kolaboracia e khedinake e avere kerdutnencar taro lokalnikane niveloja. Ano Lokalnikano plano sikavde si o aktivitetija so ka legaren te keren pes akala trin strategiakerere resarina ko avutne duj berša.

O lokalnikano plano si fundavno dokumento savo so si legarutno baši avutni buti ko zojrarkeribe i zuraldin e khedinakiri kje krize thaj krizna halia. Upral i funda taro akava dokumento ka keren pes o aktivitetija, sa resarinaja te bičhalen pes e dikhle problemencar thaj rizikoja ani khedin, te zojrakerel pe i khedin thaj te kerel pes kolaboracia ano lokalnikano nivelo maškar i khedin thaj e avera kerdutne ko lokalnikano nivelo. Thaj ko jekh o lokalnikano plano si dokumento upro saveste valjani te bajrakerel pes ponadarutni diskusia baši sa te astarel pes o vastariba e avralničane halencar ko nivelo e komunakoro.

KOMUNA PRILEP

(faktoja thaj bukja olake)

O Prilep si o štarto pali baripa diz ani Utarali Makedonia. Isi ola dživdutne taro od 66.246 dizutne. Majbaro buterdženalipa tari e dizakoro dživdutnipa si Makedoncoja; e makedonikano dživditnipa ano paluno cenzuso gejnja 64.527. Thaj agjare, isi minoriteti Roma, save so gejnjel trujal 4.420 dživdutne. Buteder olendar si ano than Trizla.

Trizla si jekh taro majpurane dizakere dživdutni ano Prilep savi so inzarel pes prekal i vulicaa Trizla kotar so thaj avel o anav olakoro. Olate dživdinen buteder nacionalitetia, numa majbaro numero si Roma, Makedoncoja thaj Khoraja.

PORTRETO E KHEDINAKORO

Prekal i funda taro khedipna ikerde ano Prilep thaj o klidarde lafia ande zabadeste, šaj te vakere pes so i khedin ani Trizla iso ola pire bukja so keren ola jekhutni thaj unikatno ki relacia e avere khedinencar. Jekh taro šerutne bukja si o nivelo taro maškarpeskoro pendžariba thaj komunikacia andre ki khedin. Akava nivelo taro pendžaripa thaj maškarpeskoro haljoviba kerel baza baši ačhovipe taro solidariteti. Akava nivelo taro pendžaripa thaj maškarpeskoro haljoviba kerel baza baši solidariteti sar generalnikani buti e khedinakiri.

I majbari buti akale khedinakiri si e džene e khedinakere savendar so but džene si sikavde ani umal taro dejbe arka thaj kolaboracia. Maškar e manuša isi bari grupa taro lideria, sikavde promotoria, paranijamnikija, religiozna lideria thaj individue save so ano šartija e krizengjere thaj bibahta bi oven taro baro ažutnipe ko vakti e haz'rikeribaskoro thaj džovapi ano krize.

O than e dživdutnakoro isi ola pire šukar thaj bilače riga, numa šerutneste kerel pes lafi baši khedin savi so arakhljola paše ko centro ani diz Prilep, a odolea thaj odova so akate si baro kotor taro institucie, objektoja, sastipaskere thana, transporto, sikavibaskere institucie, religiozna objektoja thaj avera kotora tari diz trubutne ki čipota taro bareder krize jali bibahta.

Zorale riga

E džene tari khedin, olakere lideria, sar thaj e sikavde džene so keren kolaboracia ano biradžakoro sektoro sar paranijamnikija, volonteria, promotoria, ažutne thaj aver sikaven zorali rig akale komunakiri.

I buti e biradžakere organizaciengjiri si panda jekh zorali rig savi so šajikerel organiziriba, pendžaripe thaj kolaboracia, savi si trubutni ko phandlinalibe thaj organiziribe ko haz'rikeribe jali džovapi ano bareder krize.

I dijaspora si akate sa butvareste thaj dela piko taro aspekto e lovengoro thaj harnevakteskiri arka baši disave resarina thaj kherutnipa. Tari aver rig del suporto sar thaj bukja, vrdija thaj čuče stanoja save so šaj te oven labarde ko vakti krizengoro (transporto, thanaribe thaj avera čhanija taro dejbe arka).

Phuvakoro butikeripa e komunakoro del mehanizacia sar resurso savo si tari bari labarin prekal disave tipoja taro avralničale halia, majbut ano užipe jali cidibe zavaripa ano bareder vakteskere bibahta.

E ververane objektoja save so isi len ačhovipa ani teritoria e komunakiri šaj te labaren pes ano bareder bibahta, sar so si i džamija, siklana thaj avera tikneder bilabarde objektoja khedipaske, thanaribaske jali organizacia ko džovapi taro krize.

Komunikacia thaj amalkeriba e dizutnengoro si ano majučo nivelu kana kerel pes lafi baši averipa tari nacionalnikani funda thaj si šukar misala baši sa e avera komune thaj khedina.

E trujalikano devrial si resurso pajneske savo so šaj te ovel tari arka ko buteder bukja, a majbut ko vakti taro jagarina.

Bizorale riga

E legarutne e khedinakere ano than Trizla isi olen buteder manginalina, ki relacia taro zorale riga. O čorolipa si numero jekh zavar so kerel problemija ano normalnikano sakodivesipe thaj si bari zavar ano proceso e haz'ripaskoro baši avutne bibahta thaj krize. O nanipa taro love mukhel dirar ani khedin, čhivel stresikano dživdipe thaj našajdipa baši te oven zalihe. Thaj agjare, si fundavni kauza baši migracia e ternengjiri thaj lengoro džajbe te keren buti avrialphuvipe.

O čorolipe si pherdo nanipaja thaj taro socialnikane sevipa thaj hanrno nivelu tari edukacia. Tari aver rig isi namangipa ani khedin so si bari manglinalin thaj asarin upral o phandlinalipa thaj i kohezia ani khedin, ki relacia tari zuraldin ani khedin..

Politikano ulavdipe si barangipe savi so ruminkerel but procesoja thaj inicijative, samči ko zian e dizutneske. Zuraldin ani khedin si politikano narangimi iniciativa savi so isi ola resarin te khedel savoren baši bareder šukaripa thaj phandliba ano maškaripa kote so dživdinen.

Taro avera manginalina, vastna baši zuraldin tari Trizla, ikljoven: bilači infrastruktura

thaj purane tamirina e kherengjere thaj e dživdipnaskere, nanipa taro pani ano Trin bagremoja thaj Meksiko, nanipa tari telekomunikacisko safin thaj naačhovipe tari medicinakiri ambulanta thaj apoteka ano dendo than baši i dživdutin. Akaja grupa taro manginalina del pinta baši jek bizoralipa savi si vastno baši jekh buti sar so si i zuraldin ani khedin.

Tari aver rig čhivel prioriteta thaj sugestivno initiative save so o Timo baši zuraldin ani khedin (TZK) šaj bi valjanel te čhivel olen sar jek taro majvastna akvititeta ano avutnipa. Asavke bizoralipa, uzal o ničale haletija baši tamiribe i zuraldin, šaj te oven prioritetoja kerde tari rig taro TZK.

Dararnipe jali rizikoja

I epidemologikani situacia ano globalnikano nivelu thaj ani Makedonia čhigja ano sa o komune thaj khedina jekh taro šerutne rizikoja (pali o manuša, i khedin, o sastipe thaj i ekonomia) te oven thaj krize thaj bibahta taro epidemiologikano karaktero. Asavko klidardo lafi sine ikaldo katar i obuka thaj o khedipna ano Šuto Orizari, kote so i gind baši akava riziko si ano učo nivelu, sar thaj o džandipa ko akava subjekto (arakhipa, napia baši arakhipa, palpalunipa thaj aver).

Ko drumo taro nakhavipe akava dararnipe, o timo baši zuraldin e khedinakoro (TZK) ka kerel buti baši te vazdel o gindo ko maripa mujal o Kovid-19, ka labarel sa e dženen baši diseminacia e čačikane informacie baši garaviba thaj arakhiba taro buvljaribe akava viruso. TZK prekal piri safin ka dikhel te ovel le buteder materialoja baši arakhiba, save so ka ovel len maske, kosibaskere bukja, bukja baši dezinfekcia thaj aver. Akala bukja ka oven ingarde prekal o trubutnipa thaj kote so ka oven trubutne. TZK ka ovel ani komunikacia thaj ka kerel buti sa e kerdutne dženenar baši o Kovid-19 napia sar thaj baši i vakcinacia. Ko akaja dromlin o timo ka kerel kolaboracia e komunaja thaj e kerdutne dženenar thaj ka del suporto baši dejbe informacie phanle vakcinaciaja, čhivindor thaj suporto dukhavkerde thaj avera grupe tari khedin džikote valjani olangje ko proceso tari vakcinacia thaj/jali testiriba.

E poplave si dujto riziko prekal vastnipa ani Trizla, save si šartirime taro bršima thaj o nivelu e pajneskoro tari len savi so nakhel ko bešibaskere thana. Nane sasti dživutin ano dararnipe taro akava riziko, numa khera thaj dživdunipa si paše thaj direktikane čhivde te šaj akava riziko, prema odova so i poplava si čhivdi ano dujto than vastnipaskoro. TZK ki kolaboracia e komunaja ka kerel ko anglunipa baši o gindo akale rizikoskoro thaj initiative save so astaren sistemo samankeribaske, preventivnikane napia thaj buti ano balaj tari len, sar thaj planiribe e trubutne phirda.

O jagarina si trinto džuto taro riziko palo vastnipa ki komuna Prilep. TZK sar timo ka kerel pašipa sa e kerdutne dženencar tari akaja umal, a ulavdeste e jagarine stanicaja thaj i Direkcia baši garaviba thaj arakhipa so ka del piro suporto thaj ka kerel buti ko dizutnikane inicijative baši vazdipa o gindo taro asavko riziko. Thaj agjare, ka kerel buti ko initiative thaj čhivibe obuke baši buti mujaljagarine haletija thaj aparatoja thaj sesie thaj simulacie džikote i rodimo taro siklane jali avera institucie.

MODELO THAJ BUKJA OLAKE TARI ZURALDIN ANI KHEDIN

Definiribe i zuraldin

Isi amen buteder definicie baši odova sar valjani te dikhjol jek zuraldimi khedin.

I zuraldin e khedinakiri si džanlipe te anglodikhel pes o riziko, te limitirinel pes o impakto thaj i khedin sigjeste te iranel pes ani normala prekal o ajnaribe thaj bajripe ko šartija taro turbulentna paruvdipa.

I zuraldin si kapaciteto jekhe khedinakoro te ovel haz'ri, sukcesivno te del džovapi ko krize thaj te saskjakerel taro bimangle iventoja thaj krize.

Ano jekh a jekh vakti odova si čhani te zojrarkerel pes jekh khedin ano buteder nivevoja, sar sahnin, numa thaj te ovel lačheder relacia maškar jekhutne so dživdinen ki olate.

I zuraldini khedin si but haz'rikerdi tari normalno khedin, kote so o jekhune thaj grupe si sikavkerde, informirime, phanle, phandlinala thaj gindime baši o vastnipa e zuraldineskoro thaj o buvljariba akale gindoskoro ko aver individue thaj grupe. O haz'ripa, informiriba thaj zuraldinipa anena but šukareder rezultatoja ko vakti taro krize thaj avralničane halia thaj hareder lovengjere thaj manuškane viktime thaj zian kana kerel pes lafi baši dživdipaskoro maškaripa.

O modeli tari jekh khedin kolate so ka džan sa o khedina so mangena te oven zuraldime šaj te vakerel pes prekal akala bukja save so ko isto vakti si sar referentno molipe ko odova savi si amari khedin thaj sar valjani te dikhjol palo lejbe aktivitetija taro plano zuraldinipaskoro

Bukja taro zuraldinipa ani khedin:

1. I khedin, o džene e khedinakere si phandle
2. O jekhune thaj ačhovnikane sasoinipaskere strukture si čhivde thaj isi olen izinipe baši te ovel len keripe
3. I khedin isi ola čhivde dušle kanalia baši komunikacia resarinaja te phanden pes e resursencar
4. I khedin isi ola čačutne adžikeriba baši o nivevoja taro suporto ko vakti taro sa jek ivento
5. O privatno thaj putardino sektoro si haz'ri te den džovapi ano krize thaj sigate te iranen pes ki funkcia
6. O lokalnikano komunakoro konsili isi ole thaj haljovela piri rola ko vastaribe sigutne čipotencar
7. I khedin tiknjarel o asaripe taro dararnipa ano regiono
8. I khedin isi ola zorale, pakjavutne thaj funkcionalnikane pašipa ano sasto regiono

O socialnikano kapitalo thaj zuraldinipa ani khedin

E relacie thaj e pašipa averencar lokhjaren o džajpa dži ko resursoja, informacie thaj den arka e khedinengje lokheder te arakhen solucia baši o barabarutne problemoja.

O socialno kapitalo definirinel pes sar „amalkerde safina, barabarutne normencar, molipaja thaj haljoviba so lokhjaren i kolaboracia ko than e grupake jali maškar o grupe e manušengjere“.

O učo nivelo taro socialnikano kapitalo si jekh taro majvastna kotora tamiribaske zuraldine khedina. Akava plano/strategia dela ulavder akcento ko promoviriba o šajdipa baši te zojrarkerel pes o relacie maškar o khedina jekh a jekh thaj ververane interesoja. TZK ka rodel šajdipa baši te keren pes thaj/ jali te zojrarkeren pes o relacie save so nane len ačhovipe ano khedina kote so ka kerel pes o plano.

I rola taro Timo baši zuraldipe ani khedin (TZK)

O timo baši zuraldin ani khedin (TZK) valjani te čhivel pes ani khedin thaj te bajrakerel o relacia e dženencar tari khedin ki lengjiri umal. Jekhutni rola taro akava timi si te keren pes o aktivitetija so ka keren šukareder o haz'rikeriba baši avralničale halia. Akava šaj te resarel pes direktikane prekal e strategiakere resarina baši tamiribe o kapacitetoja thaj keribe kolaboracia. Misaleske, ola bi šaj te keren o proceso e planiribaskoro taro džovapi e khedinakoro, edukacia baši putardin jali promoviribe i obuka e liderengjiri ani khedin, sar thaj obuka baši o volonteria/šukarhalia.

Dujto rola e timeskiri si te bajrarel i relacia e khedinakiri. I strategiakiri resarin bašo bajrovibe e relaciakoro si nadirektikane phanli e haz'ripaja bašo sigutne čipote, soske o persipe sikavel so i zorali, phanli khedin saskjovel šukareder ko vaktie e streseskoro. Ko čipote tari kriza o džene tari TZK ka oven sar phurtipa thaj phanlipe sa e rigencar. Thaj agjare, ki akaja dromalin šaj te fundirinen pes Grupe baši suportu e pašbešnipaskoro, šajdipe taro kotora e khedinakere te ovel len relacia prekal Fejsbuk jali dejbe idee baši te den arka ko organiziribe vulicakere amalkeriba. Sa akava del ažutnipe ko bajraripe o socialno kapitali ani khedin.

Čhijbaja šukar relacia maškar o grupe taro dende riga thaj aktovoja, o dženo taro TZK ka ovel le statuso taro džovapno manuš baši sigutne čipote ani khedin, ano than kote so tani i khedin.

Plano/strategia baši zuraldin ani khedin

Akava kotor taro dokumento sikavel o džajpe taro Timo baši zuraldin ani khedin (TZK) ko Prilep baši zojrarkeribe i zuraldin e khedinakiri prekal olakoro phanlibe thaj zojrarkeribe. Akava džajpe si ulavdo ano trin klide strategiakere resarina thaj odova: tamiribe kapacitetoja, bajraripe i relacia thaj arakhibe i kolaboracia.

I šerutni resarin taro TZK si te del arka ko proceso taro haz'rikeriba thaj džovapi ano kroze thaj te bajrol o socialnikano kapitali, čhivindor thaj i kolaboracia maškar o dende riga ani khedin. Džajutni nukta taro akava plani/strategia si o g'ndipa so o jekhune, organizacie thaj khedina isi olen ververano nivelo taro interesoja, resursoja, trubutnipa thaj organizaciakoro kapaciteti. Džajindor taro kava, ola ka oven čhivde ko vastaripa avralničane halencar ko čhani so si dendo olengje. Nane ačhovipe taro jekhutno drumo jali solucia so anela dži ki bareder zuraldin. Adaleske, baši e keren pes pozitivnikane rezultatoja tari zuraldin, valjani te čhivel pes butederkotorengoro thaj kolaborativno džajpa prekal aktivnikano phandlinalipa ko khedina, suportu e lokalnikane ideengje thaj o ačhovutne strukture thaj lokhjaribe o ververane šajdipa so anena dži bareder relacia thaj haz'rikeriba.

O haljovibe thaj o suportu e khedinengoro si jekh taro legarutno principo taro TZK. Ko vakti kana ka haljoven pes o interesoja e khedinakere, keren pes turli haletija, sevipa thaj safina baši tamiribe o kapacitetoja, bajraripe o phandlibe thaj arakhibe i kolaboracia. Akava plano/strategia vakerel o bajripe baši solucia haz'rikeribaske ko sekova aktovo upral i funda taro lengoro intereso thaj nivelo taro čhiviba; odova si butederkotorengoro džajpa baši tamiribe kapaciteto thaj keribe thaj/jali zojrarkeribe e relacie.

Čačeder, o TZK ka del o rezultatoja so direktikane tamirinen o kapaciteti thaj ka den i kolaboracia so ka anel dži ki šukareder haz'rikeriba, thaj ko jekh vakti ka del suportu baši aktivitetija e khedinakere so nane phanle sigutne čipotecar, a save so bajraren o phandliba.

Akava plani/strategia isi le resarin te labarel o dejbna taro ačhovutne haletija thaj rodlaripe, džikote rodlarel neve šajdipa thaj modelia.

Ani praksa, akava ovela komunikativno thaj kolaborativno modeli vastaripaja krizencar thaj avralničane halia, savo so pherel o tradicionalnikano modelo tari komanda thaj kontrola. Džikote, o komandno/kontrolnikano modelo del struktuirimo džajpe taro upral natele, trubutno baši džovapi ko sigutne čipore, o kolaborativno modelo dela ulavo vastnipa baši i rola e khedinakiri thaj o haz'ripa baši katastrofe, džovapi thaj saskjaribe. Sikavel o čhani g'ndipaskoro baši odova sar te len than o khedina, a ko jekh a jekh vakti te den principoja, haletija thaj praktike save so ka lokhjaren o pozitivnikane rezultatoja thaj haz'rikeribe.

Resarin e planoskiri/strategiakiri

I resarin akale strategiakiri si te operacionalizirinél pes i zuraldin prekal:

- definiribe filozofia thaj buti baši te kerel pes šukareder i zuraldin ani khedin
- bajripe taro strategiakere resarine baši te kerel pes šukareder i zuraldin ani khedin baši tamiribe o kapaciteti
- bajrovibe i relacia
- keribe kolaboracia
- čhivibe buteder haletija thaj legarutne principoja baši te kerel pes šukareder i zuraldin ani khedin
- keribe buteder indikatora baši zuraldin te šaj te kerel pes fundavni linia baši tarazin o keriba taro politike thaj programe

Strategiakere resarina

O zojrarkeribe i zuraldin ani khedin ka resel pes prekal trin strategiakere resarina:

1. Tamiribe o kapaciteti
2. Bajraripe i relacia
3. Harakhibe i kolaboracia

Tamiribe o kapaciteto

Keren kapaciteto so ka sikavel pes lačheste angleder, ko vakti thaj palo agorkeriba o avralničane halia thaj krize.

Tamiribe taro kapacitetoja si proceso kolea so lena pes thaj zojrarkerena pes džanipa thaj džanliba save so si tari bari arka ko haz'rikeriba, džovapi thaj saskjariba taro bibahta jali krize. TZK ka anel haletija so ka den šajdipe te keren pes o aktivitetija so direktikane ka anen ko bajrardo haz'rikeriba baši džovapi ko krize.

Bajraripe i relacia

Bajraren i relacia ani khedin prekal suportó ko keribe thaj zojrarkeribe o relacia maškar ki khedin.

O bajrovibe tari relacia si proceso savea so kerel pes jali zojrarkerel pes o relacia maškar jekhune, organizacie thaj kotora tari khedin. TZK nane te legarel, numa ka del suportó ko aktivitetija baši haz'rikeribe ko sigutne čipote save so ka den rezultato ko keribe šukareder relacia, a odolea thaj i zuraldin.

Arakhibe i kolaboracia

Keren kolaboracia, pakjavibe thaj maškarathinalipa prekal lokhjaribe o aktivitetija so ka keren šukareder o haz'rikeriba bašo sigutne čipote thaj socialno kapitali.

HO arakhiba i kolaboracia si proceso saveste so o ververane jekhune, organizacie thaj khedina keren amalkeribe baši barabarutni resarin baši haz'rikeriba ko sigutne čipote. TZK ka kerel buti e dende rigencar baši te kerel pes thaj/jali dejba o rezultatoja so ka keren šukareder o socialnikano kapitali thaj o dejbe arka prekal haz'rikeriba, džovapi thaj saskjaribe taro krize.

PHANDLINALIBE E KHEDINAKORO

Butederrigengoro džajpa

E khedina nane kerde taro statikane jali linernikane relacie; ola si maškar peste phandle prekal ververane drumoja. O jekhune thaj organizacie phanden pes jekha averencar prekal maškarpeskere phandle kanala ko buteder putija thaj taro ververane kauze. Nesave relacie fundirinen pes thaj ikeren pes ki funda tari fizikani lokacia (siklane, pašebešutne thaj thana molibaske), džikote aver den fokus ko barabutne interesoja (buti, rekreacia thaj kulturnikano identiteti). TZK isi ole resarin te pendžarel jekhanipa mašar akala relacie baši te kerel buteder relacie thaj te bajrarel o sasoinpaskoro kapitali, ko jekh a jekh vakti te kerel šukaredel o haz'rikeribe baši džovapi ano krize.

E grupe ani khedin isi olen ververane interesoja thaj ververano džajpa baši lengoro haz'rikeriba, ververane niveloja taro entuziazmo. Akaja Strategia del buteder drumoja baši o manuša te keren phandibe jekhe averea thaj te keren šukareder piro kapaciteti prekal i funda taro lengjere interesoja. I jekhutni resarin taro TZK si te kerel lačheder o haz'rikeribe ko sigutne čipote labarindor šukar prakse baši bajripe e khedinakoro.

Fokusea ko tamiribe o kapacitetoja, bajraripe i relacia thaj keribe kolaboracia, TZK isi le baši resarin te kerel zoraleder e khedina te den pes suporto jekhe averencar ko čhani so džovapinel olengje. Džipherdo, akava džajpa dela šajdipe baši šukareder improvizacia so trubutneste avel ko vakti thaj palo sigutno invento. Thaj agjare, del suporto baši o zor ko maškarpeste phandle jekhune, organizacie thaj khedina te korkori organizirinen pes thaj te den solucia baši ple pučiba.

Akava plano/strategia labarel o šajdipa te anel pes nevo džajpa ko tamiribe zuraldime khedina, savo so kerel pes ko principoja baši bajripe e khedinakoro – Vastaripa sigutne čipotencar vastarimo tari khedin. Akava termino šukareder sikavel i filozofia so vakerela i dendi khedin savate so isi ola i zuraldin. Akava džajpa vakerel so o sektoro baši vastaripa ko avralničane halia te kerel kolaboracia thaj te del suporto baši i khedin te šaj te del pozitivnikane rezultatoja baši haz'rikeribe sekaske. Ani praksa, akava si modelo „iker komunikacija thaj kolaboririn “ baši ikerikeripa thaj pherel o modelo „komanda thaj kontrola“ baši džovapi ko krize.

Lundjaripa o butikeripa

E jekhune thaj organizacie isi olen ververane prioritetoja thaj planoja. Sar uvek, o haz'rikeriba bašo sigutne čipote na rangirinel pes učeste ki olengjiri lista.

Akava plano/strategia isi ole buvljarkerde haletija, idee thaj šajdipa resarinaja te del pes arka e jekhunengje, organizaciengje thaj khedinengje baši te phanden pes jekh jekhea thaj te oven haz'ri baši čhano so si baši lengoro nivelu taro interes. Dejbaja asavke šajdipa, taro save so nesave si saste legarde tari khedin, o TZK šaj te phandel ververabne interesoja thaj te tamirkerel zuraldin ko ververane grupe thaj ko ververane niveloja. Nadari, e dejbaja izinipe ko jekhune thaj organizacie te anen decizia sar ka keren šukareder piri zuraldin, kerel pes bareder ploveriba ko proceso thaj aktivitetija. Baši te doresel pes akava, o TZK ka labarel e ačhovutne safinen baši phandlibe thaj ka kerel neve relacie.

Džaindor kotar akava, akava džajpa nane le resarinake te resel sasto haz'rikeriba baši i putardin. Ov šajdikere thaj del suporto ko tikneder phird so anen dži ko haz'rikeriba. Sar so o manuša ovena sa buteder phandle thaj haz'rikerde, ola šaj te aven dži ko but avera šajdipa, te phanden pes pire khedinaja thaj te bajraren olengjiri zuraldin. But si jekh a jekh avere marketing strategiencar save so den turlu asortimani taro bukja, save so galjanel bašo ververane interesoja thaj budžetoja.

Misaleske, nesave manuša ka ovel len naturalnikano afiniteti ko haz'rikeriba thaj ka phandlinalen pes ko aktivitetija savengje so si zaruri vastno vakti thaj love, sar so si avibe ano timo baši džovapi jali investiriba ko zojrarikeribe olengjere khereskoro. Avera, o buterdženale, ka ovel len harica intereso bašo haz'rikeribe. Misala, te čhive lajk ani nesavi Fejsbuk rig, jali te registririnen pes baši „tekst alarma“ sar čhani taro informiribe šaj te ovel o majučo nivelu taro butikeribe so nesavo jekhuno manuš si haz'ri te kerel ole.

HALETIJA BAŠI ZURALDIN ANI KHEDIN

Akava kotor sikavel e šerutne haletija so ka labarel o timo baši zuraldin ani khedin. E ververane haletija džovapinen e ververane interesongje, o nivevoja e butikeripaskere thaj o trubutnipe taro lundjaripe čhivde upreder. Sekova haleti si kategorizirimo ki jekh taro trin strategiakere resarina. Sar soj, e dende haletija džiperen ko keribe taro buteder tari jekh resarin thaj odolea ka džiperen ko keribe buteder rezultatoja. Teleder, dendo si harno sikavibe thaj mangli agorin taro sa o haletija.

Haletija save so džipheren ko tamiribe e kapacitetoja

Sikavibe baši TZK (dizutnikano arakhibe thaj zuraldin ani khedin). E manuša save so bešen ani khedin si o majšukar haing bašo vastaribe sigurne čipotencar. Lengoro sikavibe tari rig e TZK baši zuraldin e khedinakiri sar thaj džipherdo kerdo sikavipa baši dizutnengoro garavibe taro dende thana (Direkcia baši garaviba thaj ikaldipe) šaj te kerel lokalnikano kapaciteti tari bari vastnipa. Kerindor sar „Partneria baši haz’rikeribe, e volonteria den turaldin prekal lengjere safina thaj khelen vastno rola angleder, ko vakti thaj pali sigutno hali. O sikaviba kerel džanipa thaj džanliba baši buvljardo keribe jekhunengje thaj organizaciengje trujal o khedina. O sikavibe džipherel thaj ko tamiribe zoraleder relacie e liderencar thaj organizaciencar ani khedin. Ko vakti e digutne vakteske, e volonteria si sikavde te keren sar lideria ki olengjiri korkorutni khedin thaj/jali te oven molo manušeskoro resurso ki čipota te valjanel te phandlinalinel pes ano oficialno džovapi ki kriza.

Ažutne/šajdinkerde baši haz’rikeribe – E love si barangin baši but manuša te oven haz’ri baši džovapi ki kriza. Ki akaja dromalin o TZK valjani te kerel pašipa ano privatno sektoro baši te šajdinkerel pes dejbe taro avutne thaj kvalitetna produkroja so šukareder keren o haz’rikeriba. Misaleske, te den pes setoja jali rancoja/torbe baši jekh to arka, kutije hirurgikane thaj respiratornikane maskencar, bukja baši dezinfekcia, tikne thaj maškarale rezervoarija pajnengje thaj aver. Sar o TZK ka definirinel ko save prioritetoja ko trubutnipa, i manušni savi so ka kerel o timo valjani te avel ko pašutne taro privatno thaj putardino sektoro baši vakeribe o trubutnipa, signatura bašo Memorandumo baši kolaboracia thaj dejbe bukja baši e dende resarina.

Edukacia e khedinakiri – Haljovibe taro dararnipe, rizikoja thaj o strategie baši kovljaripe o krize thaj bibahta si vastno kotor taro haz’rikeribe. TZK valjani ko keribe thaj promocia te labarel baši legarutno e jerijengoro, butpašipe thaj privatno sektoro. O legarutno manglo si te ovel sasto ki kolaboracia e Direkcija baši garaviba thaj ikaldipe sa e informaciencar ki relacia save si rizikoja, phirda thaj kontaktoja baši specifikanne situacie.

Bašo bare grupe ki rekomendacia si te organizirinen pes bilovengjere prezentacie. E prezentacie valjani te oven prilagodime te pheren o interesoja thaj e trubutnipa e publikakere thaj te pheren o adžikeriba.

Sikaviba baši džanliba ko avralničane halia – O persipe sikavela so sa ko avralničane halia, khedina thaj jekhune keren ažutnipe ko ikaldipe e averengoro bizo suporto taro e službe baši avralničane halia. TZK ka promovirinel bilovengjere arija thaj sikaviba bašo džanliba sigutne čipotengje, sikavdi taro lokalnikane timoja baši džovapi ko krize jali Direkcia baš garavibe thaj ikaldipe. Akala aktivitetija isi olen resarin te sikaven e avutnen baši fundavne džanlibe sigutne čipotende sar so si procenka taro garaviba ko than e bibahtake, fundavni jekhutni arka thaj isthanaribe ko dukhavkerdo manuš thaj aver. Akava sikaviba ka bajrarel o džanibe so te kerel pes thaj sar te kerel pes šukare kana del pes arka e averengje ko vakti taro sigutne čipote jali avralničane halia.

Samankeriba prekal Alarm tekstoja jali grupa – Alarmiribe taro e džene e khedinengjere baši avralničani thaj krizna halia si savaht manginalin. TZK prekal o spozorija thaj tehnikano suporto valjani te del bilovengjere sevipa baši samankeribe prekal Alarm teksto jali prekal grupa, savake si lokho te khuve thaj šaj te kerel pes siganutno samankeribe ko jekhune džene. Akava tipo taro samankeribe valjani te sikavel panda jek šajdutno kanalo baši komunikacia e jekhunencar jali organizaciaja ko vakti taro avralničane halia.

Ačhovipa taro šajdipa baši korkorutno lejbe taro iniciative vastarde tari khedin resarinaja te tamirkerel pe olakere (prekal proektia e khedinakere). TZK valjani te del suporto ko proektia legarde tari khedin ko bukja tari akaja strategija save so bajrarena o kapaciteti e khedinakoro te anglikerel, ko vakti thaj palo avralničane halia. Ko but čipote, akava ka del rezultato ko bareder hačaripe taro korkoripa tari rig e khedinakiri thaj ka kerel lokalnikano vastaripa. TZK na savaht ka ovel iniciatori e aktivnostengje thaj proektengje, numa ka del suporto thaj avere iniciativengje savencar ka ovel ko akanutnipa.

Haletija so džipheren baši bajraribe e pašipaskoro

Safinalipe thaj pašipe. Isi milja rajipa, narajikane thaj biradžakere thaj komunakere organizacie so kerena sevipa ani teritoria ki savi arakhljola i khedin. Bareder kotor olendar nane olen definirimi funkcia baši vastaripe ano avralničane halia. TZK ka phandinel pe e manušencar thaj organizaciencar ko avralničane thaj naavralničane halia, save so šaj te fundirinen grupe baši suporto, sar so si avera biradžakere organizacie, grupe baši suporto e butpašengje, verska organizacie, kulturnikane organizacie, rotari kluboja thaj aver.

Organiziribe iventoja ani khedin. E iventoja ani khedin pašakeren e manušen. TZK ka promovirinel iventoja thaj proektoja legarde tari zaednica save so direktikane jali nadirektikane ka anen dži ko bajrarkerdo socialno kapitali thaj zuraldin. Misaleske, šaj te organizirinen pes vulicakere khedipna, barabutne skare thaj keribe hajbe, te organizirinel pes Dive e butpašengoro, kosibe taro objektoja thaj parkoja, verska utsavalipa, mini priredbe thaj mahalakere festivalia. O suporto taro lokalnikane iventoja so amalkeren e manušen den rezultato bajraribe o socialnikano kapitali, numa, ano jekh a jekh vakti akala iventoja si šajdipa bašo khedibe podatke bašo jekhune thaj dukhavkerde grupe, sar thaj diseminacia taro informacie baši o vastnipa e zuraldipaskoro tari khedin thaj o aktivitetia taro TZK.

Socialnikane mediumia. Sa buteder, e socialnikane mediumia thaj avera neve tehnologije isi olen čhani baši komunikacia ko vakti tari avralničano hali. TZK, thaj agjare, valjani te lel e socialnikane mediumia sar čhani baši tamiribaske zorale thaj phandle khedina prekal promoviribe iventoja thaj organizacie ani khedin so nane phandle ko vastaribe sigutne čipotencar. Prekal labaripe dendo medium (Fejsbuk thaj aver) promovirinel pe o ačhovipe taro TZK sar thaj sasti idea baši zuraldin thaj labarel pe o medium baši promocio taro phandle lafeskere iventoja, amalkeriba, treningoja, sikaviba thaj avera iniciative save o TZK ka organizirinel len.

Šajdipa baši bareder phandlipa vastardi tari khedina. But jekhune, organizacie thaj khedina nane šukare phandle jek jekhaja. TZK valjani te del suporto ano proektoja thaj idee legarde tari khedin save so bajraren o phandlipa, socialnikano kapitali thaj arakhena o hačaripe baši barabutno legariba. Ano but čipote, akava džajpa ka del rezultato baši buteder hačaripe baši korkoripa tari rig e khedinakiri thaj ka kerel lokalnikano vastaripa.

Zuraldin thaj mapiribe baši džovapi ano krize. O onlajn mape šajdinkerena vizuelnikano sikaviba e resursengoro thaj o relacie ani khedin, angleder, ko vakti thaj palo avralničano hali. E keribaja akava onlajn haleti, e khedinengje šaj te ulaven pes resursoja thaj iventoja so šaj te labaren olen i buvljakerdi khedin, čhivindor thaj o sektoro baši vastaribe e avralničane halia.

Haletija save so džiperena baši te kerel pes i kolaboracia

Planoja bašo džovapi ko krize vastarde tari khedin. Majšukare, e khedina valjani te šaj te ikeren pes bizo arka taro e službe baši avralničane halia o jekhta nekobor dive pali i katastrofa jali bibaht. E planoja bašo džovapi ko krize (e khedinakere) den arka te resel pes akava amalkeribaja taro stejholderia taro učo nivelo thaj legarutne e khedinakere tari bareder urbano umal te definirinen pes o role thaj riga thaj džovapnipa angleder anglalničane halia. Kerel pe analiza taro zorale thaj bizorale riga. Pali o agoripe e analizakoro planirinen pes aktivitetia baši mitigacia, sar thaj kovljaripe o rizikvoja thaj signaturinen pes Memorandumia baši haljovibe maškar i khedin thaj o lokalnikano konsili savo so kerela sar sekova patnero ka del suporto e avere.

Planoja baši rehabilitacia/saskjariba angleder o katastrofe (PRAK). Sar lundjaripe taro Planoja baši džovapi hramome upreder, TZK ka lokhjarel o keribe o PRAK thaj tari perspektiva vastardi tari khedin, sar tari rig tari formalnikani rajin, baši te šajdikerel pes lačheder thaj šukareder saskjariba/rehabilitacia. Ki akaja g'nd zaruri si te bajrakerel pe resarina baši dromakeripa o saskjaripa ko maškareder thaj lungeder plano. Džipherdeste, o definirimo drumo baši sigjaribe o saskjaribe baši privatno thaj putardino sektoro, kheripna, historikane thaj kulturnikane resursoja, dživdipa, naturalnikano maškarija thaj socialnikani thaj psihologikano šukarhalibe taro jekhune thaj organizacie valjani te kerel pe bajripe ki kolaboracia dženencar taro spisako taro riga ki akaja strategija.

Haz'rikerde butpašutne. E butpašutne si o majšukar resurso baši butepašutne si o majšukar resurso baši buteder manuša ano sigutne čipote, numa harica džanen buteder taro anav odolengoro so dživdingje ano butpašipne thaj na planirinena sar ka gajlajnen jekh avereske ano avralničane halia. Resarinaja taro akava haleti si keribe o harno legarutno bukleti jali tikno lil kolaja so saikeren dromarina baši 10-15 butpašutne ki dromin baši ikeribe o khedipna, olengoro korkori ikeripe, khedibe e trubutne personalnikane thaj avera detalia bašo lengjere jerija thaj haz'rikeribe taro sigutno džovapi ko nivelo tari vulica labarindor o lokalnikane socialna tari fikane resursoja. O legarutno kerel buti sar katalizatori baši e manuša te phanden pes jek averea thaj te haz'rikeren pes baši džovapi ko sigutno invento e socialnikane thaj fizikane resursoja so bešena lengje ano hoši.

Suporto e agenciengje thaj grupe so keren buti dukhavkerde grupa manušencar. E manuša savo sekovadiveskoro dživdipa si suportirimo taro avralutne organizacie si čhivde ko bareder riziko ko vakti taro avralničane halia. TZK valjani te kerel buti lokalnikane organizaciencar thaj organizacie taro sastipaskoro sektoro baši te kerel e socialnikane službe te keren kolaboracia thaj phandlibe olengjere labarutnencar. Haz'rikeriba baši legarutno bukjake ano socialnikane službe ka kerel šukareder kolaboracia maškar akala riga thaj ka kerel šukareder haz'rikeriba bašo dukhavkerde khedina thaj o organizacie so kergja lengje suporto.

Zuraldine siklane. E siklane čhiven bare šajdipa baši lačharipe i zuraldin ani khedin prekal o čhave, jerija thaj o personali. TZK ka kerel kontakto sekole siklanaja baši te del len arka ko planiriba o napia thaj evakuacia thaj buvljaribe taro odova džaniba prekal ververane haletija: siklanakoro bilteni, haz'rikeriba e jerijengoro prekal formiribe grupe, olengoro phandibe e džovapnencar baši dizutnengoro garavibe thaj aver.

Pašipa ani zaednica thaj memorandum baši haljovibe. TZK valjani te kerel buti bare numeroja dende riga thaj akteroja baši te del arka ko formiribe pašipa, te kerel o adžikeripa thaj te haz'rinel Memorandumia baši haljoviba sa e šajdutne akteroncar. O misale bi šaj te phandinalinel arakhiba o zgrade ani khedin sar potencialna centroja baši haz'rikeribe thaj jekhutni arka, keriba bašo dejbe tikne bukja ko vakti tari baro avralničano hali thaj/jali dejbe idea e khedinake so šaj te sikavel pes sar labarutni.

Šajdipa baši kolaboracia vastardi tari khedin. TZK ka del suporto proektengje thaj ideengje e khedinakere save so dena kolaboracia thaj koordinacia maškar o jekhune, organizacie thaj khedina. Ano but čipote, akava ka del rezultato bareder hačaripaja baši korkorutnipa thaj kolaboracia tari rig e khedinakiri, sar thaj ka samankerel keribe lokalnikano liderstvo.

STRATEGIAKERE PRIORITETIA THAJ AKTIVITETIA ANI KHEDIN KO PRILEP (TRIZLA)

PRILEP (TRIZLA)			
AKTIVITETIA	NIVELO taro organiziribe	VAKTI	
		1 berš	2 berš
STRUKTURA BAŠI ZURALDIN ANI KHEDIN			
Formiribe timo baši zuraldin e khedinake savi so ka ovel ikerdi tari rig tari Stanica PET, phandlinalel thaj o formirime Konsiloja ani khedin	I khedin	X	
Formiribe jekh grupa taro volonteria – džene kolate so ka oven po duj džene taro so štar mahale ko pervazia tari Trizla (8 manuša, duj džene tari sakoja mahala)	I khedin	X	
ZOJRARIBE E KAPACITETOJA E KHEDINAKERE			
Organiziribe sikaviba e Timoske baši zuraldin ani khedin thaj i grupa e volonterengjiri ko akala teme: dizutnengoro arakhiba, sikaviba baši logistika ano avibe krizengoro thaj bibahta, džovapi ano avibe poplavakoro, jekhutni arka, sigutno keribe ano bibahta, edukacia baši arakhibe taro kontagiozna nasvalipa	I khedin	X	X
Sikaviba baši jagačhavno tari grupa manušengjiri tari romani khedin	I khedin	X	
Edukacia e romane khedinake baši dizutnengoro arakhiba, džovapi ano avibe jagarinakoro, džovapi ano avibe poplavakoro, jekhutni arka, sigutno keribe ano bibahta, edukacia baši arakhibe taro kontagiozna nasvalipa. Informiribe e manušengje tari khedin kote valjani jekhutneste te aven kana isi krize jali bibahta	I khedin	X	X
Haz'rikeribe legarutno baši o timo tari zuraldin e khedinakiri baši sar te kerel pes buti e khedinaja thaj te kerel pes ano krize thaj krizna halia	I khedin	X	
Keribe edukacia e dženengje tari khedin prekal akava ničkeripe: terne, jerija taro tikneberšengjere čhave, phure manuša thaj ko agor sa e avera alusaribaja taro dendo čhani baši edukacia baši sakova taro dende grupe	I khedin	X	X
Haz'rikeriba tari pinturakiri šema baši e romane kherdutnipa resarinaja te ovel edukacia thaj informiriba e dživdutnen baši odova sar te haz'rinkeren pes thaj sar te keren ano čipoti krizengoro thaj krizna halia.			
Čhivibe sistemo baši informiribe e khedinake resarinaja te del pes džovapi thaj keribe buti ano krize thaj krizna halia lejvaja čhani komunikaciakoro (SMS sar fundavno čhani baši legaribe informacie ki Romani khedin). Khedina telefonikane numeroja tari khedin ki jekh baza podatkoncar.	I khedin	X	

AKTIVITETIA	NIVELLO taro organiziribe	VAKTI	
		1 berš	2berš
BAJRARIPA I RELACIA JALI O PHANDLINALIPA JALI PHANDIBA E KHEDINAKORO			
Organiziriba ververane tipoja taro khedipa baši pašakeribe e Romane dživdutnipaskoro sar misala: mahalakere khedipa resarinaja te zojrarkerel pes i kohezia ani khedin, džajbe taro udara ko udara baši te diskutirinen pes disave problemoja, barabutni utsavalin taro bidžukija kreativno akciaja, užipa taro disave barabutne thana.	I khedin	X	X
Dikhiba taro kanali baši komunikacia maškar i khedin thaj o timo baši zuraldin ani khedin. Prioritetno si i komunkacia prekal SMS thaj telefoni.	I khedin	X	X
Detalno mapiribe e khedinakoro, vulica pali vulica, kherdutnipa palo kherdutnipa nišankeribaja taro parametroja save si klide baši džovapi e khedinakoro ko krize thaj krizna halia	I khedin	X	X
KOLABORACIA AVERE AKTERENCAR			
Arakhibe sa e relevantno subjektengoro sar so si o putardine institucie ano lokalnikano nivelo, e religiozna khedina (islamsko, evangelističko thaj o bibliašija), sporteskere kluboja taro Prilep (FK Proleter, arakhibaskoro sevnipa „Zlatovrv“, off road grupa)	I khedin	X	X
Plano baši keriba kolaboracia e lokalnikane instituciencar thaj ko kova čhani sakoja institucia šaj te džipherel ano proceso taro zojraripa e khedinakoro ko džovapi taro krize thaj bibahta.	I khedin	X	
Keribe kolaboracia e siklanencar baši edukacia e čhavengjiri thaj o terne ki relacia taro džovapi ko krize thaj krizna halia			
Haz'rikeriba detalnikano plano baši zuraldin ko nivelo e Romane khedinakoro ki kolaboracia sa e instituciencar, phandlinalindor thaj plano baši rehabilitacia, sar thaj plano baši khediba donacie baši akaja buti	I khedin	X	
Arakhibe taro šajdutne lokacie/objektoja baši arakhibe thaj jekhutni arka, anglo sa e objektoja save so isi len ačhovipa ki mahala, numa nane ki funkcia (o objektoja pendžarde sar Alijansa thaj Sušalna-Šukipe)	I khedin	X	
Keribe kolaboracia e biznis sektoreja, signatura taro memorandumia baši kolaboracia thaj haz'rikeriba tari strategia baši kolaboracia (keriba fondi baši krizna halia, lejba taro tamiribaskere materialoja baši nevardipa e dživdipaskere thanengoro, lejba taro manušengjere resursoja thaj mehanizacia baši arka ano bibahta, lejba taro hajbe thaj pani, nakhaviba i pratika taro doniriba taro Romane organizacie)	I khedin	X	X

AKTIVITETIA	NIVELLO taro organiziribe	VAKTI	
		1 berš	2 berš
LOBIRIBE RESARINAJA TE KEREL PE FUNDAVE ANGLEDER ŠARTIJA BAŠI BAJRARIPE I ZURALDIN ANI KHEDIN			
Te keren pes objektoja (zgrade/khera) baši socialnikano kheripa resarinaja te thanarinen pes e kherutnipa tari romani khedin save so dživdinena ano tiknovahtale bešibaskere thana	dende institucie	X	X
Te keren pes o phagjarde bešibaskere thana taro e romane kherdutnipa	dende institucie	X	X
Te kerel pes lovenjiri arka baši e phure manuša save so dživdinena korkori thaj mangen te oven thanarde ano kher phure manušengje. Soske e phure manuša save so dživdinena korkori si e majdukhavkerdi kategoria ko krize thaj bibahta	dende institucie	X	X
Te keren pes paruvdipa ko Detalnikanano urbanistikano plano resarinaja ano leste te čhiven pes o ačhovutne romane mahale, baši ola te oven čhivde ki dendi infrastruktura (vodovod, kanalizacia, struja).	dende institucie	X	
Te nevakeren pes thaj te čhiven pes ani funkcia e objektoja savo so isi len ačhovipe ani mahala (o objektoja pendžarde sar Alijansa thaj Sušalna-Šukipe), resarinaa te thanarinen pes thaj korkoreizolacia taro manuša save si pozitivnikane jali suspektna ko Kovid-19 save so našti šukare te korkoreizolirinen pes ano lengjere kherdutnipa	dende institucie	X	X
Te kerel pe iniciativa resarinaja te phravel pes apoteka ani Trizla, prekal džajbe thaj kolaboracia e bare lanconcar taro apoteke	dende institucie	X	
Te len pes mujaljagaline haletia ano kotora tari mahala kote so phareste si te džan mujaljagarine vrdija, a thaj jekh te sikavel pes o dživdutnipa sar te labarel e mujaljagarine aparatoja.	dende institucie	X	X
Te keren pes aktivitetia baši te na ovel čhordipe tari len Dabnička thaj poplava ano kotora tari mahala prekal: ničal užipe taro balaj e lenakoro (majhari duj puti ano berš) thaj te učharel pes i len ko kotor tari mahala so bi ovel ačhavutni solucia baši o problemo e šajutne poplavencar	dende institucie	X	X
Te kerel pes komunikacia thaj kolaboracia e telekomunkacisko kompaniencar resarinaja te nakhaven pes o problemoja e činavipaja ani safin thaj i bizorali safineskiri phandlin ko kotora tari mahala. O nanipa taro učharipa mobilnikane safinaja si zavarin kana isi trubutnipa baši sigutni komunikacia ano krizna halia thaj bibahta.	dende institucie	X	

Мапа TZK Prilep Pašutne thaj institucije

Sastipaskoro sektoro

- 1 G. Hospital Prilep
- 2 Sastipaskoro Kher Prilep

Sikavibe

- 1 FS Dobre Jovanovski
- 2 Maškarutno Kuzman Pitu
- 3 Maškarutno Gjorče Petrov

Biznis sektoro

- 1 Vitaminka
- 2 Stokomak
- 3 Žito Market
- 4 Pivara Prilep
- 5 Thudarutni
- 6 Tutunsko Kombinati Prilep
- 7 Hotelo Kristal Palas
- 8 Kam Marketo
- 9 Futura
- 10 Deni Mebel
- 11 Mermereskoro Kombinati
- 12 Nova Plus

Kulturikane thaj religiozna objektoja thaj grupe

- 1 Džamija Trizla
- 2 Khangiri Trizla
- 3 Khangiri Sumnaleskoro Paruvdipe
- 4 Kher kulturakoro Marko Cepenkov
- 5 KAA Mirče Acev
- 6 Stadion Goce Delčev
- 7 Sporteskiri Sala Makedonia
- 8 Ploštadi Cento
- 9 Sumnal Konstantin thaj Elena

Kher phure manušengje


- 1 Kher phure manušengje Platnik

Mediumia

- 1 Radio Meff
- 2 Radio Holidej
- 3 TV Vizija
- 4 Kabel net

Thanarkeribe thaj than

- 1 Aliansa



Мапа taro pašutne džene thaj institucije ano Prilep baši TZK ko Prilep

Timo baši zuraldin ani khedin (TZK)

Džengis Beriša, Stanica P.E.T.- vastarutno taro timo

Adem Mamudoski, dženo tari khedin

Kadri Šakir, dženo tari khedin

Ozgan Sulejmanoski, dženo tari khedin

Ajdžan Malikoska, dženo tari khedin

Mamut Šabanoski, dženo tari khedin

Mejreme Dervišoska, dženo tari khedin

Denis Ademoski, dženo tari khedin

Islam Rizov, dženo tari khedin

Nafis Ekremoski, dženo tari khedin

Hristina Trajanoska, dženo tari khedin

Ko keriba o aktivitetia e proekteskere ko anav tari Stanica P.E.T lele than thaj:

Maja Petančeska, Stanica P.E.T.

Ile Graškoski, Stanica P.E.T.

Nežlan Ismailoska, Stanica P.E.T.

Алма Байрамоска, Stanica P.E.T.

Nuri Dervišoski, Stanica P.E.T.

Marina Jovčeska, Stanica P.E.T.

ZURALDIN E HEDINAKIRI

PLANO/STRATEGIA
BAŠI PRILEP
(TRIZLA)

